



# SÝSLUMAÐURINN Á NORÐURLANDI VESTRA

Atvinnuvega- og nýsköpunarráðuneytið  
Skúlagötu 4  
101 Reykjavík

Blönduósi, 24.10.2018

## Mál nr. S-170/2018

### Atvinnuvega- og nýsköpunarráðuneytið: Ferðaþjónusta

*Drög að frumvarpi til laga um breytingu á lögum um veitingastaði, gististaði og skemmtanahald, nr. 85/2007*

## UMSÖGN

Sýslumaðurinn á Norðurlandi vestra hefur kynnt sér drög að frumvarpi til laga um breytingu á lögum um veitingastaði, gististaði og skemmtanahald nr. 85/2007, sem birt var á samráðsgátt stjórnarráðsins þann 17. október sl. Embættið lætur efnið til sín taka vegna verkefna sinna við veitingu rekstrarleyfa til reksturs veitinga- og gististaða, sbr. 7. gr. laganna, innan umdæmis síns. Af yfirlitssíðu málsins á samráðsgáttinni má ráða að lagðar séu til breytingar á lagaákvæðum sem varða heimagistingu og eftirlit með henni. Þá kemur nánar fram að lagðar séu til þrenns konar breytingar sem allar varða starfssvið Sýslumannsins á höfuðborgarsvæðinu varðandi eftirlit með heimagistingu. Í fyrsta lagi varðandi skráningu heimagistingar og í öðru lagi varðandi samræmingu á málsmeðferð og ákvörðun sekta milli skráningarskyldra og rekstrarleyfisskyldra aðila vegna leyfisskyldrar gististarfssemi annars vegar og skráningarskyldrar heimagistingar hins vegar. Í þriðja lagi sé lögð til breyting varðandi eftirlit með skilum á nýtingaryfirlitum einstaklinga sem leigja út hús næði sitt og skrá undir heimagistingu.

Í kafla 3.2. greinargerðar með frumvarpinu segir nánar um samræmda málsmeðferð milli rekstrarleyfisskyldra og skráningarskyldra aðila að með breytingunni sé lagt til að leyfisveitandi geti lagt stjórnvaldssektir á hvern þann sem rekur leyfisskylda gististarfssemi án tilskilins leyfis, sbr. 7. gr. laganna. Samkvæmt nágildandi löggjöf ber leyfisveitanda að senda slík brot áfram til embættis þess löggreglustjóra þar sem brot var farmið. Þá sé markmiðið með því að samræma málsmeðferð milli rekstrarleyfisskyldra og skráningarskyldra aðila að koma í veg fyrir ólíkar




## SÝSLUMAÐURINN Á NORÐURLANDI VESTRA

niðurstöður vegna sambærilegra brota, flýta málsmeðferð og draga úr kostnaði sem hlýst af formlegri og kostnaðarsamri ákærumeðferð fyrir dómstólum. Samkvæmt a-lið 3. gr. frumvarpsdraganna bætist í þessum tilgangi nýr málsliður við 1. mgr. 22. gr. a. laganna, sem verður 1. málsl., svohljóðandi: Sýslumaðurinn á höfuðborgarsvæðinu getur lagt stjórnvaldssektir á hvern þann sem rekur leyfisskylda gististarfssemi án tilskilins leyfis sbr. 7. gr. Samkvæmt 4. gr. bætist við greinina ný málsgrein, er varðar heimildir sýslumanns til að afla gagna með sjálfstæðri rannsókn, eftir atvikum með atbeina löggreglu.

Sýslumaðurinn á Norðurlandi vestra vekur athygli höfunda frumvarpsdraganna á því að verði frumvarpið lagt fram og samþykkt í núverandi mynd verður einungis heimild til álagningar stjórnvaldssektar á höfuðborgarsvæðinu, í einu umdæmi af níu umdæmum sýslumanna um land allt. Sýslumenn hver í sínu umdæmi veita rekstrarleyfi til sölu gistingar eða veitingar veitinga, en alla jafna er vísað til sýslumanns eða leyfisveitanda þegar fjallað er um hlutverk, skyldur og heimildir leyfisveitenda gisti- og veitingaleyfa í lögnum. Eigi að ná því markmiði sem að er stefnt með lagasetningunni er nauðsynlegt að leyfisveitendur á landinu öllu hafi sömu heimildir og skyldur skv. lögnum, þ.m.t. heimild til að leggja stjórnvaldssektir á þá sem reka leyfisskylda gististarfssemi án tilskilins leyfis.

Í ljósi framangreinds leggur Sýslumaðurinn á Norðurlandi vestra til að í stað orðanna „Sýslumaðurinn á höfuðborgarsvæðinu“ í a-lið 3. gr. frumvarpsdraganna komi „sýslumaður“ eða „leyfisveitandi“ þannig að komið verði í veg fyrir óeðlilegt ósamræmi milli heimilda leyfisveitanda á höfuðborgarsvæðinu annars vegar og leyfisveitenda á landsbyggðinni hins vegar þegar kemur að beitingu viðurlaga vegna brota á lögnum. Ekki er hins vegar þörf breytinga á 4. gr. frumvarpsdraganna vegna þessa, enda þar vísað til sýslumanns óháð umdæmi og getur ákvæðið í núverandi mynd því tekið til leyfisveitenda á landinu öllu.

Virðingarfyllst,

  
Bjarni G. Stefánsson, sýslumaður

  
Birna Ágústsdóttir, löglærður fulltrúi